

頻伽大藏經

九洲圖書出版社

頻

防口無

大

藏

經

戲論與人解脫者。雖若不遠。雖是偽戲。論與人勝處。凡

所通知若非所通知是

九州圖書出版社

摩地門若常若無常是色故論毘陀羅尼門若常若無常

羅尼門若樂若若生爲戲論觀摩地門若我若無我生爲戲論如

若淨若不淨是爲戲論。觀陀羅尼門若淨若不淨是爲戲論。觀三摩地

寂靜者不寂靜是爲戲論觀二地門若遠離若

地門若所通知若非所通知是爲戲論

腸門者當其無常是也

文

大正

無一
勝門
步
名

無不達乎人心處論此空解脫門者是所共知生爲戲論

知是正處。吾手摩所。而臨於村。蓋且。不遠難。

今觀此卷，其法以五印各帶一無常字，而後論之。

附錄於杜子厚外手札無異十不復論諸君

論衡卷之六

頻伽大藏經第二十一冊目錄

○大般若波羅蜜多經 續前

- 現宰堵波品第五(二一・一一) 稱揚功德品第六(二一・一一) 佛設利羅品第七(二一・二一) 福聚品第八(二一・二六) 隨喜回向品第九(二一・三七) 地獄品第十(二一・四七) 嘆淨品第十一(二一・五六) 贊德品第十二(二一・六五) 陀羅尼品第十三(二一・六八) 魔事品第十四(二一・七九) 現世問品第十五(二一・八九) 不思議等品第十六(二一・九八) 譬喻品第十七(二一・一〇〇) 善友品第十八(二一・一〇八) 真如品第十九(二一・一一八) 不退相品第二十(二一・一二九) 空相品第二十一(二一・一四四) 殑伽天品第二十二(二一・一六一) 巧便品第二十三(二一・一六二) 學時品第二十四(二一・一九〇) 見不動品第二十五(二一・一九五) 方便善巧品第二十六(二一・二一四) 慧到彼岸品第二十七(二一・二五四) 妙相品第二十八(二一・二六四) 施等品第二十九(二一・三〇一) 佛國品第三十(二一・三三一) 宣化品第三十一(二一・三三六)

第四會序

- 妙行品第一(二一・三五三) 帝釋品第二(二一・三六四) 供養宰堵波品第三(二一・三六九) 稱揚功德品第四(二一・三八四) 福門品第五(二一・三八七) 隨喜回向品第六(二一・四〇〇) 地獄品第七(二一・四一三) 清淨品第八(二一・四一八) 贊嘆品第九(二一・四二二) 總持品第十(二一・四二四) 魔事品第十一(二一・四二五)

四三二) 現世間品第十二(二一・四三九) 不思議等品第十三(二一・四四五) 譬
喻品第十四(二一・四四六) 天贊品第十五(二一・四五〇) 真如品第十六(二一・
四五四) 不退相品第十七(二一・四五八) 空相品第十八(二一・四六三) 深功德
品第十九(二一・四六七) 殘伽天品第二十(二一・四七一) 覺魔事品第二十一(二
一・四七二) 善友品第二十二(二一・四八一) 天主品第二十三(二一・四八六)
無雜异品第二十四(二一・四八八) 迅速品第二十五(二一・四九二) 幻喻品第二十
六(二一・四九七) 堅固品第二十七(二一・五〇一) 散花品第二十八(二一・五〇
七) 隨順品第二十九(二一・五一五)

第五會序

善現品第一(二一・五二五) 天帝品第二(二一・五三二) 宰堵波品第三(二一・五
三六) 五品第四(二一・五四〇) 神咒設利羅品第五(二一・五四五) 經典品第六
(二一・五四七) 回向品第七(二一・五五〇) 地獄品第八(二一・五五四) 清淨品
第九(二一・五五八) 不思議品第十(二一・五六二) 魔事品第十一(二一・五六七)
真如品第十二(二一・五七〇) 甚深相品第十三(二一・五七五) 船等喻品第十四
(二一・五七九) 如來品第十五(二一・五七九) 不退品第十六(二一・五八五) 貪
行品第十七(二一・五八九) 姊妹品第十八(二一・五九五) 夢行品第十九(二一・
五九八) 勝意樂品第二十(二一・六〇一) 修學品第二十一(二一・六〇五) 根栽
品第二十二(二一・六〇七) 付囑品第二十三(二一・六一二) 見不動佛品第二十四
(二一・六一六)

第六會序

緣起品第一(二一・六一九) 通達品第二(二一・六二一) 顯相品第三(二一・六二七) 法界品第四(二一・六三三) 念住品第五(二一・六三九) 法性品第六(二一・六四五) 平等品第七(二一・六五四) 現相品第八(二一・六五八) 無所得品第九(二一・六六三) 證勸品第十(二一・六六八) 顯德品第十一(二一・六七二) 現化品第十二(二一・六七五) 陀羅尼品第十三(二一・六七七) 勸誡品第十四(二一・六八〇) 二行品第十五(二一・六八三) 贊嘆品第十六(二一・六八七) 付囑品第十七(二一・六八九)

第七會序

曼殊室利分(二一・六九二)

第八會序

那伽室利分(二一・七〇九)

第九會序

能斷金剛分(二一・七一八)

第十會序

般若理趣分(二一・七二八)

第十一會序

施波羅蜜多分(二一・七三七)

大般若波羅蜜多經卷第五百一

三藏法師玄奘奉

詔譯

第三分現宰堵波品第五之二

復次橋尸迦。若善男子。善女人等。能於如是甚深般若波羅蜜多。至心聽聞。受持讀誦。精勤修學。如理思惟。書寫解說。廣令流布。是善男子。善女人等。所獲現法。當來勝利。汝應諦聽。極善思惟。吾當爲汝分別解說。天帝釋言。唯然。願說。我等樂聞。佛言。橋尸迦。若有諸惡外道。梵志。若諸惡魔。及魔眷屬。若餘暴惡。增上慢者。於是菩薩摩訶薩。所欲作種種不饒益事。彼適興心。速自遭禍。必當殄滅。不果所願。何以故。橋尸迦。是菩薩摩訶薩。以應一切智智心。用無所得爲方便。常修布施。波羅蜜多。乃至般若波羅蜜多。以大悲願而爲上首。若諸有情。長夜慳貪。與諸鬭諍。是菩薩摩訶薩。於內外法。一切皆捨。方便令彼安住。布施波羅蜜多。若諸有情。長夜破戒。作諸惡業。是菩薩摩訶薩。於內外法。一切皆捨。方便令彼安住。淨戒波羅蜜多。若諸有情。長夜懈怠。捨諸善業。是菩薩摩訶薩。於內外法。一切皆捨。方便令彼安住。靜慮波羅蜜多。若諸有情。長夜愚癡。不知善長夜散亂。心務騖動。是菩薩摩訶薩。於內外法。一切皆捨。方便令彼安住。般若波羅蜜多。若諸有情。流轉生死。貪瞋癡等。纏繞其心。造作惡業。是菩薩摩訶薩。於內外法。一切皆捨。方便令彼安住。般若波羅蜜多。若諸有情。流轉生死。貪瞋癡等。纏繞其心。造作衆多不饒益事。是菩薩摩訶薩。善權方便。令彼安住。空無相無願解脫門。或令安住。八解脫九次第定。或令安住。四靜慮四無量四無色定。或令安住。四念住。乃至八聖道支。或令安住。空無相無願解脫門。或令安住。八解脫九次第定。或令安住。四靜慮四無量四無色定。或令安住。內空乃至無性自性空。或令安住。眞如乃至不思議界。或令安住。斷界乃至無爲界。或令安住。苦集滅道聖諦。或令安住。淨觀地。乃至如來地。或令安住。五眼六神通。或令安住。如來十力。乃至十八不共法。或令安住。無忘失法。恒住捨性。或令安住。一切陀羅尼門。三摩地門。或令安住。一切智道。相智一切相智。或令安住。預流果。乃至獨覺菩提。或令安住。一切菩薩摩訶薩行。或令安住。諸佛無上正等菩提。或令安住。諸餘世間出世善法。橋尸迦。如是名爲於深般若波羅蜜多。至心聽聞。受持讀誦。精勤修學。如理思惟。書寫解說。廣令流布。諸菩薩摩訶薩。現法勝利。橋尸迦。是菩薩摩訶

薩由此因緣於當來世速證無上正等菩提轉妙法輪度無量衆隨本所願安立有情令於三乘修學究竟乃至證得無餘涅槃橋尸迦如是名爲於深般若波羅蜜多至心聽聞受持讀誦精勤修學如理思惟書寫解說廣令流布諸菩薩摩訶薩當來勝利復次橋尸迦若善男子善女人等於此般若波羅蜜多至心聽聞受持讀誦精勤修學如理思惟書寫解說廣令流布其地方所若有惡魔及魔眷屬或有種種外道梵志及餘暴惡增上慢者憎嫉般若波羅蜜多欲爲障礙詰責違拒令速隱沒雖有此願終不能成彼因暨聞般若聲故衆惡漸滅功德漸生後依三乘得盡苦際或脫惡趣生天人中橋尸迦如有妙藥名曰莫耆是藥威勢能銷衆毒如是妙藥隨所在處諸毒蟲類不能逼近有大毒蛇飢行求食遇見生類欲螫之其生怖死奔趣妙藥蛇聞藥氣尋便退走何以故橋尸迦如是妙藥具大威勢能益身命銷伏衆毒當知般若波羅蜜多具大威勢亦復如是若善男子善女人等至心聽聞受持讀誦精勤修學如理思惟書寫解說廣令流布諸惡魔等於此菩薩摩訶薩所欲爲惡事由此般若波羅蜜多威神力故令彼惡事於其方所自當殄滅無所能爲何以故橋尸迦由此般若波羅蜜多具大威力能摧衆惡增善法故云何般若波羅蜜多能摧衆惡增長諸善謂此般若波羅蜜多滅貪瞋癡無明乃至純大苦蘊障礙隨眠纏垢結縛我見有情見乃至見者見斷見常見無見有見乃至種種諸惡見趣慳貪破戒忿恚懈怠散亂愚癡常想樂想我想淨想及餘一切貪瞋癡慢疑見行等無不能滅亦滅色執乃至識執乃至亦滅一切相智執菩提涅槃執橋尸迦如是般若波羅蜜多能滅此等一切惡法及能增長一切善事是故般若波羅蜜多有無數量大威神力復次橋尸迦若善男子善女人等於此般若波羅蜜多至心聽聞受持讀誦精勤修學如理思惟書寫解說廣令流布是菩薩摩訶薩當爲三千大千世界四大天王及天帝釋堪忍界主大梵天王淨居天等并餘善神常來擁護不令一切災橫侵惱如法所求無不滿足十方世界現在如來應正等覺亦常護念令惡漸滅善法漸增謂令增長布施波羅蜜多乃至般若波羅蜜多如是乃至亦令增長一切智道相智一切相智以無所得爲方便故所修所住常無退減橋尸迦是菩薩摩訶薩由此因緣言詞威肅聞皆敬愛發言稱量語不誑雜堅事善友深知恩報不爲慳嫉忿恨覆惱詛誑橋尸迦是菩薩摩訶薩自能離斷生命亦勸他離斷生命無倒稱揚離斷生命法歡喜讚歎離斷生命者如是乃至自能離邪見亦勸他離邪見無倒稱揚

離邪見法。歡喜讚歎離邪見者。憍尸迦。是菩薩摩訶薩。自能行布施。乃至般若波羅蜜多。亦勸他行布施。乃至般若波羅蜜多。無倒稱揚行布施。乃至般若波羅蜜多。法歡喜讚歎行布施。乃至般若波羅蜜多者。如是乃至自能修一切智道。相智一切相智。亦勸他修一切智道。相智一切相智。無倒稱揚修一切智道。相智一切智道。相智一切相智。迴向無上正等菩提。是菩薩摩訶薩。常作是念。我若不能修行布施波羅蜜多。以無所得而爲方便。與諸有情平等共有。戒波羅蜜多。閉人天門。墮諸惡趣。我若不能修行安忍波羅蜜多。當缺諸根。形貌醜陋。不具菩薩圓滿色身。我若不能修行精進波羅蜜多。便不能修菩薩勝道。常懷懈怠。衆事不成。我若不能修行靜慮波羅蜜多。便不能修菩薩勝定。心恒散亂。所欲不成。我若不能修行般若波羅蜜多。便不能得方便善巧。超諸聲聞。獨覺等地。若有如是貧窮等事。尚無勢力成熟。有情亦復不能嚴淨佛土。況當能得一切智智。是菩薩摩訶薩。常作是念。我不應隨慳貪勢力。若隨彼力。則我布施波羅蜜多。不得圓滿。我不應隨破戒勢力。若隨彼力。則我淨戒波羅蜜多。不得圓滿。我不應隨懈怠勢力。若隨彼力。則我精進波羅蜜多。不得圓滿。我不應隨忿恚勢力。若隨彼力。則我安忍波羅蜜多。不得圓滿。我不應隨懈怠勢力。若隨彼力。則我精進波羅蜜多。不得圓滿。我不應隨散亂勢力。若隨彼力。則我靜慮波羅蜜多。不得圓滿。我不應隨愚癡勢力。若隨彼力。則我般若波羅蜜多。不得圓滿。我六種波羅蜜多。不得圓滿。終不能得一切智智。利益安樂一切有情。憍尸迦。是菩薩摩訶薩。不離一切智智心。以無所得爲方便。於此般若波羅蜜多。至心聽聞。受持讀誦。精勤修學。如理思惟。書寫解說。廣令流布。得如是等現法。當來世出世間功德。勝利爾時。天帝釋白佛言。世尊。如是般若波羅蜜多。甚奇希有。能調菩薩摩訶薩。衆令離高心。復能迴向一切智智。爾時佛告天帝釋言。憍尸迦。云何般若波羅蜜多。甚奇希有。能調菩薩摩訶薩。衆令離高心。復能迴向一切智智。時天帝釋白言。世尊。諸菩薩摩訶薩。行世間布施波羅蜜多時。若於如來應正等覺。及諸菩薩。獨覺聲聞。孤窮老病。道行乞者。而行布施。便作是念。我能施佛。乃至乞者是菩薩摩訶薩。無方便善巧。故雖行布施波羅蜜多。而起高心。不能迴向一切智智。諸菩薩摩訶薩。行世間淨戒安忍。精進靜慮。般若波羅蜜多時。便作是念。我能修行淨戒。乃至般若波羅蜜多。亦作是念。我能圓滿淨戒。乃至般若波羅蜜多。是菩薩摩訶薩。無方便善巧。故雖行淨戒。乃至般若波羅蜜多。

而起高心不能迴向一切智智如是乃至諸菩薩摩訶薩修行一切智道相智一切相智時若作是念我能修行一切智道相智一切相智亦作是念我能圓滿一切智道相智一切相智是菩薩摩訶薩無方便善巧故雖修行一切智道相智一切相智而起高心不能迴向一切智智諸菩薩摩訶薩成熟有情嚴淨佛土時若作是念我能成熟有情嚴淨佛土餘無此能是菩薩摩訶薩無方便善巧故雖成熟有情嚴淨佛土而起高心不能迴向一切智智世尊如是菩薩摩訶薩衆依世間心修諸善法無方便善巧故我我所執擾亂心故雖修般若波羅蜜多而未得故不能調伏高心亦不能迴向一切智智世尊若菩薩摩訶薩行出世布施波羅蜜多時善修般若波羅蜜多故不得施者不得受者不得布施是菩薩摩訶薩依止般若波羅蜜多而行布施故能調伏高心亦能迴向一切智智若菩薩摩訶薩行出世淨戒乃至般若波羅蜜多時善修般若波羅蜜多故不得淨戒乃至般若及一切法是菩薩摩訶薩依止般若波羅蜜多而行淨戒乃至般若故能調伏高心亦能迴向一切智智如是乃至若菩薩摩訶薩修行一切智道相智一切相智時善修般若波羅蜜多故不得一切智道相智一切相智及一切法是菩薩摩訶薩依止般若波羅蜜多而修一切智道相智一切相智故能調伏高心亦能迴向一切智智若菩薩摩訶薩成熟有情嚴淨佛土時善修般若波羅蜜多故不得成熟有情嚴淨佛土及一切法是菩薩摩訶薩依止般若波羅蜜多而成熟有情嚴淨佛土故能調伏高心亦能迴向一切智智世尊由此因緣我作是說如是般若波羅蜜多甚奇希有能調菩薩摩訶薩衆令離高心復能迴向一切智智爾時佛告天帝釋言憍尸迦若善男子善女人等能於般若波羅蜜多甚深經典不離一切智智心以無所得爲方便至心聽聞受持讀誦精勤修學如理思惟恭敬供養尊重讚歎書寫解說廣令若在軍旅交戰陣時至心念誦如是般若波羅蜜多於諸有情慈悲護念不爲刀杖之所傷殺所對怨敵皆起慈心設起惡心自然退敗是善男子善女人等若在軍旅刀箭所傷失命喪身終無是處何以故憍尸迦是善男子善女人等不離一切智智心以無所得爲方便長夜修行甚深般若波羅蜜多自能降伏貪瞋癡慢惡見隨眠纏垢惡業種種刀杖亦能除他貪瞋癡慢惡見隨眠纏垢惡業諸刀杖故復次憍尸迦若善男子善女人等能於般若波羅蜜多甚深經典不離一切智智心以無所得爲方便至心聽聞受持讀誦精勤修學如理思惟恭敬供養尊重讚歎書寫解說廣令

流布是善男子善女人等一切毒藥蟲道鬼魅摩禱呪術皆不能害。水不能溺。火不能燒。刀杖惡獸怨賊惡神衆邪魘魘不能傷害。何以故。橋尸迦如是般若波羅蜜多是大神呪。如是般若波羅蜜多是大明呪。如是般若波羅蜜多是無上呪。如是般若波羅蜜多是無等等呪。如是般若波羅蜜多是一切呪王。最上最妙無能及者。具大威力能伏一切。爲一切之所降伏。是善男子善女人等精勤修學如是呪王。不爲自害。不爲他害。不爲俱害。何以故。橋尸迦是善男子善女人等學此般若波羅蜜多。自他俱不可得。故橋尸迦是善男子善女人等學此般若波羅蜜多。大呪王時不得俱害。橋尸迦是善男子善女人等學此般若波羅蜜多。大呪王時。於我及法雖無所得。而證無上正等菩提。觀諸有情心行差別。隨宜爲轉。無上法輪。令如說行。得大饒益。何以故。橋尸迦過去未來現在菩薩摩訶薩衆。皆於是甚深般若波羅蜜多大神呪王。精勤修學。已當現證無上菩提。轉妙法輪。度無量衆。復次橋尸迦。若善男子善女人等。於此般若波羅蜜多甚深經典。不離一切智智心。以無所得爲方便。至心聽聞。受持讀誦。精勤修學。如理思惟。書寫解說。廣令流布。是善男子善女人等。隨所居止。國土城邑人及非人。不爲一切災橫疾疫之所傷害。何以故。橋尸迦是善男子善女人等。隨所住處。爲此三千大千世界及餘十方無量無數無邊世界所有四大王衆天乃至色究竟天。并諸龍神阿素洛等。常來守護恭敬供養尊重讚歎。不令般若波羅蜜多大神呪王有留難。故復次橋尸迦。若善男子善女人等。書此般若波羅蜜多大神呪王。置清淨處恭敬供養尊重讚歎。雖不聽聞受持讀誦精勤修學。如理思惟。亦不爲他開示分別。而此住處國邑王都人非人等。不爲一切災橫疾疫之所傷害。何以故。橋尸迦如是般若波羅蜜多大神呪王。隨所住處。爲此三千大千世界及餘十方無量無數無邊世界所有四大王衆天乃至色究竟天。并諸龍神阿素洛等。常來守護恭敬供養尊重讚歎。不令般若波羅蜜多大神呪王有留難。故橋尸迦是善男子善女人等。但書般若波羅蜜多大神呪王。置清淨處恭敬供養尊重讚歎。尙獲如是現法勝利。況能聽聞受持讀誦精勤修學。如理思惟。及廣爲他開示分別。當知是輩功德無邊。速證菩提。益一切復次橋尸迦。若善男子善女人等。怖畏怨家惡獸災橫厭禱疾疫毒藥呪等。應書般若波羅蜜多大神呪王。隨多少分香爇盛貯。置寶筒中。恒隨逐身。供養恭敬尊重讚歎。諸怖畏事皆

自銷除。天龍鬼神常守護。故橋尸迦。譬如有人或傍生類。人菩提樹院。或至彼院邊。人非人等不能傷害。何以故。橋尸迦。過去未來現在諸佛皆坐此處。證得無上正等菩提。得菩提已。施諸有情無恐無怖無怨無害。身心安樂。安立無量無數有情。令住天人尊貴妙行。安立無量無數有情。令住三乘安樂妙行。安立無量無數有情。令現證得或預流果。或一來果。或不還果。或阿羅漢果。安立無量無數有情。令當證得獨覺菩提。安立無量無數有情。令修菩薩摩訶薩行。當得無上正等菩提。如是勝事。皆由般若波羅蜜多威神之力。是故此處一切天龍阿素洛等。皆同守護恭敬供養尊重讚歎。當知般若波羅蜜多甚深經典。隨所住處亦復如是。一切天龍阿素洛等。常來守護恭敬供養尊重讚歎。不令般若波羅蜜多有留難。故橋尸迦。如是般若波羅蜜多甚深經典。隨所在處。當知是處即真制多。一切有情皆應敬禮。當以種種上妙花鬘塗散等香衣服瓔珞寶幢幡蓋衆妙珍奇伎樂燈明供養恭敬尊重讚歎。爾時天帝釋白佛言。世尊。若善男子善女人等。書此般若波羅蜜多甚深經典。種種莊嚴恭敬供養尊重讚歎。復以種種上妙花鬘塗散等香衣服瓔珞寶幢幡蓋諸妙珍奇伎樂燈明而爲供養。有善男子善女人等。佛涅槃後起窣堵波七寶嚴飾。寶雨盛貯。佛舍利羅安置其中。恭敬供養尊重讚歎。復以種種上妙花鬘塗散等香衣服瓔珞寶幢幡蓋衆妙珍奇伎樂燈明而爲供養。二所獲福。何者爲多。佛告橋尸迦。我還問汝。當隨意答。於意云何。如來所得一切智智及相好身。依何等法修學而得。天帝釋言。如來所得一切智智及相好身。依此般若波羅蜜多甚深經典修學而得。佛告橋尸迦。如是如是。如汝所說。我依般若波羅蜜多甚深經典修學。故得一切智智及相好身。何以故。橋尸迦。不學般若波羅蜜多甚深經典。能得無上正等菩提。無有是處。橋尸迦。非但獲得相好身故。說名如來應正等覺。要由證得一切智智說名如來應正等覺。橋尸迦。如來所得一切智智。要由般若波羅蜜多爲因。故起佛相好身。但爲依處。若不依止佛相好身。一切智智無由而起。是故般若波羅蜜多正爲因。生一切智智。欲令此智現前相續。故復修集佛相好身。此相好身若非遍智所依處者。一切天龍阿素洛等不應竭誠供養恭敬。以相好身與佛遍智爲所依止。故諸天龍神阿素洛等供養恭敬。由此緣故。我涅槃後諸天龍神人非人等供養恭敬。我設利羅橋尸迦。若善男子善女人等。但於般若波羅蜜多甚深經典恭敬供養尊重讚歎。則爲供養一切智智及所依止佛相好身。并涅槃後佛設利羅何以故。橋尸迦。一切智智及相好身。

并設利羅。皆以般若波羅蜜多爲根本。故橋尸迦。若善男子善女人等。但於佛身及設利羅恭敬供養。尊重讚歎。非爲供養。一切智智及此般若波羅蜜多。何以故。橋尸迦。佛身遺體。非此般若波羅蜜多。一切智智之根本。故橋尸迦。由此因緣。若善男子善女人等。欲供養佛。若身若心及餘功德。先當聽聞受持讀誦。精勤修學。如理思惟。書寫解說。如是般若波羅蜜多甚深經典。復以種種上妙花鬘塗散等香衣服瓔珞寶幢幡蓋衆妙珍奇伎樂燈明。供養恭敬。尊重讚歎。以是故。橋尸迦。若善男子善女人等。書此般若波羅蜜多甚深經典。種種莊嚴恭敬供養。尊重讚歎。復以種種上妙花鬘塗散等香衣服瓔珞寶幢幡蓋衆妙珍奇伎樂燈明。而爲供養。有善男子善女人等。佛涅槃後起窣堵波七寶嚴飾。寶南盛貯。佛設利羅安置其中。恭敬供養。尊重讚歎。復次種種上妙花鬘塗散等香衣服瓔珞寶幢幡蓋衆妙珍奇伎樂燈明。而爲供養。二所獲福。前者爲多。無量倍數。何以故。橋尸迦。如是般若波羅蜜多甚深經典。速能成辦。布施波羅蜜多。乃至般若波羅蜜多。內空乃至無性自性空。真如乃至不思議界。斷界乃至無爲界。苦集滅道聖諦。四念住乃至八聖道支。四靜慮。四無量。四無色。定入解脫。九次第定。空無相無願解脫門。淨觀地乃至如來地。極喜地乃至法雲地。五眼六神通。如來十力。乃至十八不共法。無忘失法。恒住捨性。一切陀羅尼門。三摩地門。一切智道。相智。一切相智。成熟有情。嚴淨佛土。亦能成辦。諸菩薩摩訶薩。族姓圓滿。色力圓滿。財寶圓滿。眷屬圓滿。亦能成辦。世間所有十善業道。供養沙門父母師長。施戒修等無量善法。亦能成辦。剎帝利大族婆羅門大族長者大族居士大族四大王衆天乃至非想非非想處。天亦能成辦。預流一來不還阿羅漢果。獨覺菩提。一切菩薩摩訶薩行。諸佛無上正等菩提。亦能成辦。聲聞獨覺菩薩如來應正等覺。亦能成辦。不可思議。無上無上無等無等等一切智智。時天帝釋復白。佛言。瞻部洲人。於此般若波羅蜜多甚深經典。不恭敬供養。尊重讚歎者。彼豈不知恭敬供養。尊重讚歎。如是般若波羅蜜多甚深經典。獲得種種功德勝利。佛告橋尸迦。我還問汝。隨汝意答。於意云何。瞻部洲內有幾許人。成佛證淨成法證淨。成僧證淨。有幾許人。於佛無疑。於法無疑。於僧無疑。有幾許人。於佛究竟。於法究竟。於僧究竟。有幾許人。修十善業道。有幾許人行施戒修。有幾許人得三十七菩提分法。有幾許人得三解脫門。有幾許人得八解脫。有幾許人得九次第定。有幾許人得四無礙解。有幾許人得六神通。有幾許人永斷三結。得預流果。有幾許人薄貪瞋癡。得一來果。

有幾許人斷五順下分結得不還果。有幾許人斷五順上分結得阿羅漢果。有幾許人發心定趣獨覺菩提。有幾許人發心定趣諸佛無上正等菩提。天帝釋言。瞻部洲內有少分人成佛證淨成法證淨成僧證淨。如是乃至有少分人發心定趣諸佛無上正等菩提。爾時佛告天帝釋言。如是如是。如汝所說。橋尸迦。瞻部洲內極少分人成佛證淨成法證淨成僧證淨。轉少分人於佛無疑於法無疑於僧無疑。如是乃至轉少分人發心定趣諸佛無上正等菩提。轉少分人既發心已。精勤修習趣菩提行。轉少分人精勤修習趣菩提行。能不退轉。證得無上正等菩提。復次橋尸迦。我今問汝。隨汝意答。於意云何。置瞻部洲所有人類。於此三千大千世界。幾許有情。供養恭敬父母師長。幾許有情。供養沙門婆羅門。幾許有情。布施持戒修諸福業。幾許有情。行十善業。道幾許有情。於諸欲中住厭患想。無常想。苦想。無我想。不淨想。厭食想。一切世間不可樂想。幾許有情。修四靜慮。四無量。四無色定。幾許有情。成佛證淨成法證淨成僧證淨。如是乃至幾許有情。發心定趣諸佛無上正等菩提。幾許有情。得住菩薩不退轉地。幾許有情。疾證無上正等菩提。天帝釋言。於此三千大千世界。少分有情。供養恭敬父母師長。如是乃至少分有情。疾證無上正等菩提。佛告橋尸迦。如是如是。如汝所說。橋尸迦。於此三千大千世界。極少有情。供養恭敬父母師長。轉少有情。供養恭敬沙門婆羅門。如是乃至轉少有情。得住菩薩不退轉地。轉少有情。疾證無上正等菩提。復次橋尸迦。我以無障清淨佛眼。遍觀十方無邊世界。雖有無量無數有情。發菩提心。修菩薩行。而由遠離甚深般若波羅蜜。多方便善巧。若一若二若三。有情得住菩薩不退轉地。多分退墮。聲聞獨覺下意。行下劣地。中何以故。橋尸迦。諸佛無上正等菩提。功德無邊。甚難可證。惡慧懈怠。下劣精進。下劣勝解。下劣有情。不能得故。是故橋尸迦。若善男子。

善女人等發菩提心修菩薩行欲住菩薩不退轉地。疾證無上正等菩提。無留難者。應於般若波羅蜜多甚深經典數數聽聞受持讀誦精勤修學。如理思惟。好請問師。樂爲他說。復應書寫衆寶莊嚴恭敬供養尊重讚歎。復以種種上妙花鬘塗散等香衣服瓔珞寶幢幡蓋衆妙珍奇伎樂燈明而爲供養。橋尸迦。是善男子善女人等。於餘攝入甚深般若波羅蜜多諸勝善法。亦應聽聞受持讀誦精勤修學。如理思惟。好請問師。樂爲他說。復應書寫供養恭敬。何謂攝入甚深般若波羅蜜多餘勝善法。所謂布施乃至靜慮波羅蜜多。內空乃至無性自性空。眞如乃至不思議界。斷界乃至無爲界。苦集滅道聖諦。四念住乃至八聖道支。四靜慮。四無量。四無色。定。八解脫。九次第定。三解脫門。極喜地乃至法雲地。五眼六神通。如來十力乃至十八不共法。無忘失法。恒住捨性。陀羅尼門。三摩地門。一切智道。相智。一切相智。若餘無量無邊佛法。是謂攝入甚深般若波羅蜜多餘勝善法。橋尸迦。是善男子善女人等。於餘隨順甚深般若波羅蜜多蘊處界等無量法門。亦應聽聞受持讀誦。如理思惟。不應非毀。令於無上正等菩提而作留難。何以故。橋尸迦。是善男子善女人等。應作是念。如來昔住菩薩位時。常勤修學順菩提法。所謂般若乃至布施波羅蜜多。如是乃至一切智道。相智。一切相智。及餘無量無邊佛法。并餘隨順甚深般若波羅蜜多蘊處界等無量法門。由斯證得所求無上正等菩提。我等今者。爲求無上正等菩提。亦應隨學甚深般若波羅蜜多及餘隨順諸勝善法。定是我等眞實大師。我隨彼學。所願當滿足。是諸佛眞實法印。一切如來應正等覺。隨彼學故。證得無上正等菩提。亦是一切聲聞獨覺眞實法印。皆隨彼學。得至涅槃究竟彼岸。是故橋尸迦。諸善男子善女人等。若佛住世。若涅槃後。應依般若波羅蜜多廣說乃至一切相智及餘無量無邊佛法。蘊界處等無量法門。常勤修學。何以故。橋尸迦。如是般若波羅蜜多廣說乃至一切相智及餘無量無邊佛法。蘊界處等無量法門。是諸聲聞緣覺菩薩及餘天人阿素洛等利益安樂所依處故。

大般若波羅蜜多經卷第五百一

第三分現宰堵波品第五之三

爾時天帝釋白佛言世尊若善男子善女人等不離一切智智心以無所得爲方便於此般若波羅蜜多甚深經典至心聽聞受持讀誦精勤修學如理思惟廣爲有情宣說流布或有書寫衆寶嚴飾復持種種上妙華鬘塗散等香衣服瓔珞寶幢幡蓋衆妙珍奇伎樂燈明經須臾頃供養恭敬尊重讚歎是善男子善女人等由此因緣得幾許福佛告憍尸迦我還問汝當隨意答有善男子善女人等於諸如來般涅槃後爲供養佛設利羅故以妙七寶起宰堵波種種珍奇間雜嚴飾其量高大一踰繕那廣減高半復持種種天妙花鬘塗散等香衣服瓔珞寶幢幡蓋衆妙珍奇伎樂燈明盡其形壽供養恭敬尊重讚歎於意云何是善男子善女人等由此因緣得福多不天帝釋言甚多世尊甚多善逝佛告憍尸迦彼善男子善女人等所獲福聚甚多於此無量無邊復次憍尸迦置此一事有善男子善女人等於諸如來般涅槃後爲供養佛設利羅故以妙七寶起宰堵波種種珍奇間雜嚴飾其量高大一踰繕那廣減高半如是充滿一贈部洲或四大洲或小千界或中千界或復三千大千世界皆持種種天妙花鬘乃至燈明盡其形壽供養恭敬尊重讚歎於意云何是善男子善女人等由此因緣得福多不天帝釋言甚多世尊甚多善逝佛告憍尸迦彼善男子善女人等所獲福聚甚多於此無量無邊復次憍尸迦置一三千大千世界假使三千大千世界諸有情類各於如來般涅槃後爲供養佛設利羅故以妙七寶起宰堵波種種珍奇間雜嚴飾其量高大一踰繕那廣減高半各滿三千大千世界無空隙皆持種種天妙花鬘乃至燈明盡其形壽供養恭敬尊重讚歎於意云何如是三千大千世界諸有情類由此因緣得福多不天帝釋言甚多世尊甚多善逝佛告憍尸迦彼善男子善女人等所獲福聚甚多於此無量無邊時天帝釋便白佛言如是世尊如是善逝若善男子善女人等供養恭敬尊重讚歎甚深般若波羅蜜多當知則爲供養恭敬尊重讚歎過去未來現在諸佛世尊假使十方各如殑伽沙等世界一切有情各於如來般涅槃後爲供養佛設利羅故以妙七寶起宰堵波種種珍奇間雜嚴飾其量高大一踰繕那廣減高半各滿十方殑伽沙等諸佛世界中

無空隙。各持種種天妙花鬘乃至燈明。或經一劫。或一劫餘。供養恭敬尊重讚歎。世尊是諸有情由此因緣得福多。不
佛言甚多。天帝釋言。若善男子善女人等。不離一切智智心。以無所得爲方便。於此般若波羅蜜多甚深經典。至心聽
聞受持讀誦。精勤修學。如理思惟。廣爲有情宣說流布。或有書寫衆寶嚴飾。復持種種上妙花鬘乃至燈明。經須臾頃
供養恭敬尊重讚歎。是善男子善女人等。由此因緣所獲福聚甚多。於彼無量無邊。不可思議。不可稱計。何以故。世尊
由此般若波羅蜜多能總攝藏一切善法。所謂十善業道。若四靜慮。四無量。四無色。定。若三十七菩提分法。若三解脫
門。若八解脫。九次第定。若五眼六神通。若布施波羅蜜多乃至般若波羅蜜多。若內空乃至無性自性空。若眞如乃至
不思議界。若斷界乃至無爲界。若四聖諦。觀若十二緣起。觀若淨觀地乃至如來地。若極喜地乃至法雲地。若一切陀
羅尼門。三摩地門。若如來十力乃至十八不共法。若無忘失法。恒住捨性。若一切智道。相智一切相智。若餘無量無
邊佛法。皆攝入此甚深般若波羅蜜多。世尊如是般若波羅蜜多是諸如來眞實法印。亦是一切聲聞獨覺眞實法印。
一切如來應正等覺於此中學已正當證無上菩提。一切聲聞及諸獨覺於此中學已正當至涅槃彼岸。由此因緣。若
善男子善女大等。不離一切智智心。以無所得爲方便。於此般若波羅蜜多甚深經典。至心聽聞受持讀誦。精勤修學
如理思惟。廣爲有情宣說流布。或有書寫衆寶嚴飾。復持種種上妙花鬘乃至燈明。供養恭敬尊重讚歎。所獲福聚無
量無邊。不可思議。不可稱計。諸餘福聚皆不能及。

第三分稱揚功德品第六之一

爾時佛告天帝釋言。如是如是。如汝所說。橋尸迦。若善男子善女人等。不離一切智智心。以無所得爲方便。於此般若
波羅蜜多甚深經典。至心聽聞受持讀誦。精勤修學。如理思惟。廣爲有情宣說流布。或有書寫衆寶嚴飾。復持種種上
妙花鬘乃至燈明。供養恭敬尊重讚歎。所獲福聚無量無邊。不可思議。不可稱計。何以故。橋尸迦。由此般若波羅蜜多
普能成辦一切如來應正等覺一切智道。相智一切相智。亦能成辦布施等五波羅蜜多。亦能成辦內空乃至無性自
性空。亦能成辦眞如乃至不思議界。亦能成辦斷界乃至無爲界。亦能成辦苦集滅道聖諦。亦能成辦三十七菩提提
分法。亦能成辦四靜慮。四無量。四無色。定。亦能成辦八解脫。九次第定。亦能成辦三解脫門。亦能成辦淨觀地乃至如

來地亦能成辦極喜地乃至法雲地亦能成辦五眼六神通亦能成辦如來十力乃至十八不共法亦能成辦無忘失法恒住捨性亦能成辦陀羅尼門三摩地門亦能成辦成熟有情嚴淨佛土亦能成辦聲聞獨覺及無上乘亦能成辦諸佛無上正等菩提是故憍尸迦若善男子善女人等不離一切智智心以無所得爲方便於此般若波羅蜜多甚深經典至心聽聞受持讀誦精勤修學如理思惟廣爲有情宣說流布或有書寫衆寶嚴飾復持種種上妙花鬘乃至燈明供養恭敬尊重讚歎以前所造窄堵波福比此福聚百分不及一一分不及一乃至鄔波尼殺曇分亦不及一何以故憍尸迦若此般若波羅蜜多甚深經典在瞻部洲人中住者卽此世間佛法僧寶常不滅沒由此因緣世間常於十善業道若四靜慮四無量四無色定若布施波羅蜜多乃至般若波羅蜜多如是乃至若一切智道相智一切相智若刹帝利大族婆羅門大族長者大族居士大族若四大王衆天乃至非想非非想處天若聲聞獨覺無上大乘若預流果乃至獨覺菩提若菩薩摩訶薩成熟有情嚴淨佛土修諸菩薩摩訶薩行若諸如來應正等覺證得無上正等菩提轉妙法輪度有情類如是勝事常不滅沒爾時於此三千大千堪忍世界所有四大王衆天乃至色究竟天同聲共白天帝釋言大仙於此甚深般若波羅蜜多常應聽聞受持讀誦精勤修學如理思惟供養恭敬尊重讚歎所以者何若能於此甚深般若波羅蜜多至心聽聞受持讀誦精勤修學如理思惟供養恭敬尊重讚歎則令一切惡法損減善法增益亦令一切天衆增益諸阿素洛朋黨損減亦令一切佛法僧眼常不損壞亦令一切佛法僧種常不斷絕大仙當知由三寶種不斷絕故世間便有布施淨戒安忍精進靜慮般若波羅蜜多亦有內空乃至無性自性空廣說乃至亦有一切智道相智一切相智亦有預流果乃至獨覺菩提亦有菩薩摩訶薩行諸佛無上正等菩提亦有聲聞獨覺菩薩及諸如來應正等覺是故大仙常應於此甚深般若波羅蜜多至心聽聞受持讀誦精勤修學如理思惟供養恭敬尊重讚歎爾時佛告天帝釋言憍尸迦汝應於此甚深般若波羅蜜多至心聽聞受持讀誦精勤修學如理思惟供養恭敬尊重讚歎所以者何若阿素洛及惡朋黨起如是念我等當與諸天戰諍爾時汝等諸天眷屬應各至誠誦念如是甚深般若波羅蜜多供養恭敬尊重讚歎時阿素洛及彼朋黨所起惡心卽皆自滅若諸天子或諸天女五衰相現其心驚惶怖畏殞沒墮諸惡趣爾時汝等諸天眷屬應住其前至誠誦念甚深般若波羅蜜多時彼天子或彼天女